

復
莊
詩
問

復莊詩問卷二

大梅山館集

鎮海姚 變某伯甫

春園問居雜興五章

好鳥迎薄霽紛語茅檐端乃知向陽心微物亦自歡獨
立領清響宿露飄我冠仰視竦涼綠拂拂千檀欒添衣
理巾沐稚子呼晨餐且攜缶中水去灌庭階蘭

蝴蝶不避風側側隨所向新柳交牆陰迴枝若相讓初
旭炫露華鬱蒸氣浮上矚然接天色微雲自流盪近矚
神與妍遐瞰意亦曠但覺因盃中納萬入和鬯

流覽及書策隨興無定編拚卷且沉坐得味何醺然耳

目偶有觸妙理皆曲傳若招古之人一一環我前形神
昔善保精氣斯萬年遙山致晨爽非因木石妍
春樹生薄陰獨酌苦無偶微風開園扉殷然見良友席
草理杯瓊淨綠絕纖垢花飛紛在空芳靜接之久旣醉
歡且忘閒愁復何有天機不可續澹默各心受

靜月息池水池上林木圍水木合空靄灑灑浮我衣息
寐亦匪早清景殊負茲微吟散閒步與月同遲遲漸得
徑苔濕亮有清露滋鄰鐘遞迴響遙夜知何時

抱江樓

寒色滿平楚羣山赭不青城浮荒靄去天入大江冥日

落散魚市風高響
鳴鈴藐焉此身世
寓迹等蟪蛄

風言十五章

樞動無朽石靜不崩
視稟養化一以有恒

智熟者巧氣銳者騁
揆義相時橫濫亦正
姦風盪霄萬物伺命

庭池照旭流輝在憲
接之鏡影隅奧亦光
持明鑑晦莫或閉藏

綠竹可斧難折其節
白玉可碎難污其潔

澗壑嶙峋險不可涉
馬以力踰實其神疾
明駝橐橐克循正軌
遲緩察變不陷塗水

朱明之陽或耀乎冬熙和被野狐貉曷崇崇朝之雨萬
生受澤恣其汪洋城市可溺

木叩覆鐘缶奪其韻琴絃不和徒亂人性

寒柏淩皐不樛彌貞春蘿蔓野不附曷生稟雖天予習
實自成

燭爛於夕何如晝光剪彩成鄂貌春不芳因天乃巧人
曷智戕

珠玉飾刀千金罔易星精內含虹芒外遍施於戰攻不
及寸鐵

夏服錦裘難傲敝葛陸行巨舟笑於寒策

拾積枯朽廼成樁薪守於一得大木匪珍

衣繡行陌羣駭而嗜塗飾庸目挾其見希丹穴之鳳毛
絢羽輝集羣如雀安所恃奇

物有極平莫逾止水天風相狎任勢生詭所以君子守
正防累

畫虎諛貌雕龍禍經儒元之辨微乎影形浮翳四歛太
虛自青中纏九道燦燦列星

空院

空院有喬柯離離挂碧蘿涼風吹不定落葉埽還多獨
雁沈遙夕疎星出遶河當階聞蟋蟀啾唧似愁歌

雜詩六章

女几五色鸞戛然遊天間精華飽日月咳唾霏丹黃極
風奏仙樂按節工迴翔自顧憐文采絢若夫容裳紛紛
鸞與鸚畏縮不敢揚延頸伺天宇但見雲漢章

酒星謫天上長嘯黃鶴樓洞庭晃金彩上接江水流顏
波警蛟龍日沈懸氣浮哀樂冥鴻逝元鬢修已秋文章
高華岳辱之還覆甌紫間有仙侶吾願從之遊

雲梯倚天壁銀漢西極懸風篁漾窻戶霏作湘江烟嬋
娟如處女羅帳不可延墨萼舞鏡笑棠花失其妍夷光
老浣紗陋飾等無鹽瓦石爲城池詎知黃金堅子喬不

出山桂樹空萬年

赤城燦桃華巖局閉白雲幽靚恨獨賞流出溪澗春觸
風成槁色吐咬供遊鱗水遊易生悔霞想幸未泯奇芬
蘊彌厚詎在人間津

東鄰有麗姝不效時世粧卷髻屏釵珥白紵裁爲裳肌
理灼真素詎假頰粉光流精越庭戶迫視神還莊銜嫁
本無術盛年猶空房伯鸞已千古含貞徒爾芳

倚劒兀然嘯其聲遠以裂銀蟾忽揜芒斗光爲之碧禿
鶩搏颺車鳳皇無六翮神京白玉樓霞扉空洞闢

南門行

復莊詩問

卷二

四 大梅山館集

錢刀能殺人錢刀殺人何仇恩華屋高對南城門死後
掃墓無子孫黃金日多年歲月少歲月如寶黃金如
草快馬行百里路不如快鳥千里飛較長絜短安有
窮期東隣不保朝暮餐有子赫赫今爲官爲官信足
樂出入華蓋珠絡瓔僕從飄紅纓閃閃何霍霍白日
不照黃泉遊魚不上青天子且讀書我還服田讀書不
必爲官服田不必黃金千悠哉游哉保此盛年

艷歌何嘗行

雙白鵠飛翩躚其羽皓以潔顧影交相憐西鄰窈窕
女顏色桃李嬌晨颺吹幕芳情與搖大姊爲厮養卒

婦二姊嫁淮南王日織一絹不餬口朱門自煌煌 青
驄馬入尺高馬上公子金縷袍昨日相逢大道側衣不
蔽膚面菜色 烏兔代謝可以一日知百年下有黃土
上有蒼天 衣裳在笥五綵鴛鴦襦出門升車還下車
黃沙漠漠太山爲墟 遨遊六合洞無塵思斟酌元化
千秋萬歲如嬰兒

野田黃雀行

臨臺置酒脫我寶刀孤隼下晚白雲天高 天高埜平
故人千里華燈夕堂芳宴未已 春棠媚鄂迴風引之
嶮嶮削翠繞以清漪 狐兔悲泣冠飄蓋零公子東去

劍氣夜青 野田有雀其鳴啁嘈苞鳳振采琅玕九霄
禾黍其槁天降民饑空城多杞棘日莫將安依 天
蘇民饑沛爾以甘雨顧彼野田黃雀啁嘈自相語 鷹
食之毛骨吐我珠網羅之雕籠或護我

擣衣曲

秋風吹幕烟秋月爛中天切切如有語依依還自憐黃
金誤離別青鬢感華年夫婿薊門道此時知未眠

病雒吟三章

斜月照林雒林疎病影依風寒只自噤天闊未容飛生
短戀哀命陽燄待轉機撫床看弱女燈淡藥烟微

褐敝頻憐汝剪裙爲汝襦不應風雪厲還迫到肌膚含
淚知何怨生貧亦自誣莫爲可憐語爾母寸腸枯
弱柳能多力風摧亦易殘中宵孤坐守嬌眼怯相看鄰
樹荒雞叫城雲大海寒余愁浩焉極羣動助辛酸

答厲山人

志

贈作

策筇佛頂窺東海官然其下天光深珊瑚貝具萬錯
攝以元氣歸空明愀然憶我白華子骨古貌拙神靜嶮
老騏逆折棧雲走秋鵬上搏颺車行文章字字協呂緯
鉅作鐘響纖鸞鳴若欲置此千古下力闢大光照沈冥
鍛鉛鍊汞幾生死唾手而得千黃金我亦寸心構造化

見君已失神和惜月湖風緊梅花雪竹屋吟燈夜蕭瑟
時君作客甌江歸滿袖寒塵爲君拂高歌往往無古人
論到襟懷轉幽鬱吾道所貴善自藏悠悠訾譽終渺茫
古刀挂壁歛精魄但以質論原尋常吁嗟乎應劉主謝
俱草萊播毫弄楮何益哉倘乘霓駟御天表願披瑤霧
相躡追

原作

定海
厲志心甫

凡百傳聞過其實一朝眼見徒相懸
菟林得名更莫據柰於姚子獨不然
初聞意氣甚兀傲及見溫溫探清淵
又聞文筆近靡漫咏史骨格張老拳
任昉素門

擅夙譽杜牧風騷比其妍側側鷹隼排長翮翩翩驂
駟綴連錢我謂藏器待醕錯如君乃不虛歲年猛追
白日無停馭壯士力策義和鞭足躡崑崙碎冰雪手
持芙蓉揮雲烟會當元圃振金石錦囊采筆人爭傳
鳬鷗蒼茫佇海客朝窺霞綺暮星躔明知龍駒絕扳
附且忘老朽相追騫

城北寺

茂櫟山屏豎虛泓天鏡開雙廡銜草去一瀑挂空來靜
地閒初拓孤僧出未迴石床趺亦好初月夢初梅

哭盧文學師 棠

畢生窮六經垂成未及用知名僅里塵益滋吾道痛積
瘳恐傷性飲酒托馳縱頻以未了志太息語羣從西風
一夜寒烏巢有霜凍元燈不續心殘炷墮如夢訃及賤
子聞遲疑未敢恫分明講易堂梓杆昨猶共遺孤瘦可
憐衣垢衽皆縫依依寡母懷索餌但知弄房隅舊篋書
破碎與塵葑縷然心血存誰來職釐綜庭梧百尺凋上
有亂雲蒼下有殘蠅聲淒宵語蒼空

短歌

孤鴻在天白日短
樞下駒心千里遠
悲風西來吹亂雲
匝地蓬蒿與東捲
腰無鐵鋏手無玉
疊美人年少荒草

已坏獨立顧影吾能弗哀

曉起

天風吹客醒海氣逼鴻歸廢圃宜秋綠荒山得晚暉渴
時逢酒熟病久與書違莫動勞生感無勞是息機

曠水

曠水漂殘夢清商引古思饑烏皆惜命落葉易傷時天
白諸峯出心空萬事夷芙蓉開未足往且拾新薺

大泐江樓

蒼黃萬葉一川浮俯以危闌百尺樓孤絕吾懷尋住境
紛來羣象納空秋鬢絲欲入中年感行客難爲日暮愁

莫藉屏山遮雨氣入城風勢勁誰留

高閣

清颺鐘梵落青天高閣高懸松樹巔千歲鶴巢無鶴住
老僧挂衲抱雲眠

江上

江上柴門楊柳長風吹十里蘋花香但見山影無樹影
不盡天光切水光側側紅襟飛燕子迢迢青箬出漁榔
幾人湖海愁漂泊苔雪烟波我未忘

陽春曲

簾前鸚鵡如美人迴黃轉翠嬌陽春簾中美人如鸚鵡

垂手春屏汎春語春江紅過桃花枝春柳垂垂方弄絲
酒船蕩去斜陽後燕子飛來欲雨時美人畫眉不成綠
坐對春山開鏡褥柳邊春店駐油車花底春鎧上紅燭
燭光欲地鸚鵡啼春月在天烟淒迷美人自唱春歡曲
掠得東風絮滿衣

卽景三絕句

佳客言旋晝閉門跣莎爲席罄殘樽東牆一面竹稀少
愛有平山補綠痕

好香欲燼人欲眠風惹綃幃散薄烟黃鳥側翎欺倦蝶
小榴觸損不知憐

拾得苔根數子棋
頗懷南巷老髯師
恰來餽我雞鶩筍
一笑山妻供飯時

甬江樓示葉

元增

木落潮平遠翳開
過江山綠照深杯
茫茫雲水看帆去
戢戢風蘆與雁猜
物感深恩容歛息
天留肅氣振衰頹
莫將憔悴拚身世
竟作王郎斫地哀

秋夜示病婦

索乳嬌雛怯易驚
悄垂疎箔掩疎檠
淺杯難破深宵寂
一蟀能催露竹聲
葉盡風欺羣木瘦
潮迴月碇大江平
好持寸念歸沈漠
馬磨牛衣有夙生

論古畫梅家得二十四章

烟雨云瀾邱壑奇却收浪墨入寒枝華光樓閣冰天月

曾照春人蛻玉姿

墨梅始自會稽釋仲仁居衡州花光

石門文字禪云華光老人眼中閣烟雨胸中有邱壑而藏於耐寒凍枝頭真一時高韻也

不阿權貴學逃禪兀傲蟠胸祇自憐十丈蕭州蒼蘚樹

更誰倚管弔遊仙

逃禪老人楊補之所居蕭州有梅大數間屋日臨畫之

竹林小阮亦高孤家法能參水墨圖我慕臨川賢宅相

別開生面得春腴

季衡補之姪畫墨梅兼作水墨翎毛補之甥湯叔雅亦工畫梅朱子云湯

君得其舅氏遺法其蘊藉敷腴論有青出於藍者

李君真態受天奇別派江西畫等詩何似吳閭忠靖刻

劍池寒嶺颯高枝

江西李君千工畫梅樓玫瑰詩云折枝映月影真態得之天爲君千咏也

趙忠靖公南重有墨梅石刻在虎邱

叔黨風流世已無靜齋乾澀惠齋枯便成一燈松篁侶

難壓南枝雪霽圖

蘇叔黨過坡公季子茅如元進士號靜齋世稱茅梅惠齋錢塘吳泰之題

也自號心玉道人歲寒三友圖始自光宗時魏彥密參議變補之甥湯間菴有南枝雪霽圖

與雲暗谷抱香胎詩氣噓教畫翳開浪說相梅同相馬

玉堂骨賤甚金臺

姜梅山咏李仲永墨梅歌云畫梅如相馬以骨不以形又云與雲暗谷藏

春色陳簡齋墨梅詩云意足不求顏色似前身相馬九方皋

象外筌蹄悟亦空風須玉面未能工橫斜書畫船邊月

疑在羅浮曉夢中

子固趙孟堅製書畫船爲遊宴善寫白描尤工梅嘗畫羅浮曉月等畫著

有梅譜嘗云回視玉面而
鼠鬚已自工夫較精微

太虛篆署隱離奇太尉叢蘭視亦宜莫笑雪筵觴久盪

翦燈還諷石屏詩

宋道士蕭太虛書梅其名爲陰文篆字於石上如石刻然蔣太尉善窠不

梅蘭趙孟堅梅謚云弊到雪筵觴盪矣戴復古石屏集懷雪筵句梅花差可強人意

翠笠青筇驛路遙孤雲野鶴太清寥何須詔筆開元殿

倩畫江妃春精腰

埋案問丁野梅曰卿所畫者恐非宮梅對曰臣所見者江路野梅耳何由

得魏九
重仙種

月角燈唇彷彿得之石門禪妙可違時乞靈不向銅蟠淚

攝到雲魂春未知

釋惠洪字覺範每用皂子膠畫於生絹及扇上燈月下映之宛然影耳

鮑養風格劇幽深晚節寒香共古今何數中姬千萬竹

瀟湘夜雨寫琴心

鮑夫人工墨梅見孟堅謹趙希泉之妻湯夫人有寒香晚節圖

魏國王孫年少日霜縑氣韻力能追玉潭跋語晶宮印

閱盡人間幾劫灰

解大紳春雨集云趙文敏早歲喜畫梅印以水晶宮扇章常見一卷有錢

舜舉跋語其爲

公早年畫無疑

共傳咸里寄仙蹤白鶴天南第一峯破壁神祠雷雨夜

荒燈客膽怯虬龍

建安白鶴山嶽祠東廡有喬威里畫梅

春波賣卜隱高名醉墨能搖碧海鯨宰地妖戈愁萬鬼

香龕古骨白錚錚

梅花道人將歿命置短碣冢上日梅和尙之塔或怪之元末兵起所至

椎塚惟仲圭以碣所署爲緇流舍去

舊謚關珊憶季章藤溪絹本亦茫茫太邱高第賢喬梓

空似書宗有二王

吳大素季章有梅譜金汝霖新安人自號簾溪釣叟工墨梅黃巖陳立善

處亨父子

俱工墨梅

誰摹窻月影斜橫碧嶂詩篇善喻評莫道靈均太憤激

纏綿未戢美人情

謂古學士見杜本清江碧嶂集

多事樓頭吹羌笛橫流滿海已無家可憐故國啼鵲血

灑作愁紅萬點花

書煮石山農事

城西古屋畫師家凍羽無聲雪不花一樣青門托小隱

圃雲零落舊鉏瓜

盧景春燕居常熟城西繞屋種梅花寫梅其中邵誼字思宜休甯人精畫

紅梅自號

瓜圃鉏雲

八閩旁派蔓蘿延尾勁鱗斂效子絃我厭粗豪愛蒼古

行步詩集
卷二
辨香私祝洞易仙

張子絃林宏顯俱閩人宏顯號洞陽山人筆力蒼古世稱洞陽梅

幕府歸來已悔遲心壺冰潔濯毫思松風蘚月巢香閣

寫熟逋仙驚鶴姿

謂冰壺道人王牧之

赤松零素已無完爛墨迷離漬粉癡輸與吾家秋澗老

白鬢紅烏抹春紈

赤松山人金元玉畫梅有逃禪老人筆意姚掬字元白號秋澗江甯人

高妙劉公世絕能鐵虬蟠帟起圭稜可憐叔夜琴千古

續響何人奏廣陵

謂劉雪湖

天水冰山逼大寒向陽真氣獸能完獄門火碧吟淒句

好當先生自傳看

居易錄輝縣冀氏世傳楊忠愍公詔獄中畫梅一卷自題長句其上族兄

書年嘗見而和之

漫道程生氣骨強八分波磔法兼詳千秋梅屋牛和尙

風格於今重華陽

程福生精書法八分畫梅清瘦絕倫釋無絃華陽人自號樸屋老人又以

畫牛得名人
稱牛和尙

偶成

西牆一竿竹橫影當硯心留彼瀟湘雲添我墨氣深吟
懷引無始風過聲出琴如坐流水中素壁皆泐泐背檐
有好花暗香時來侵搜索入春髓神去定爲禽良朋未
肯來來當佳酒斟何以溪上烟閉作柴門陰柴門臨溪
開溪上多修林隔林大江白青者江上岑

春日雨晴

復莊詩問

卷二

三

大海山館集

天心倦煦。媚春中告。春假昔陰如。袷衫垂垂不能卸。空
色先晚昏涼意。暫秋借么禽不入簾。啁柳枝下泛泛
東南風。融融與烟化。大湖青已萍。高田綠將極。眼前春
夢痕。彷彿畫屏夜。陰翳資蓄潛。未竟就凋謝。須知萎者
榮。心根有憑藉。冥坐辭賞娛。清氣自留迂。仰見容裔雲。
願師太虛暇。

鶯

軟語繚春春夢幽。東風着體比棉柔。詩人愛爾逾歌女。
芳樹誰家近畫樓。晚晚心情禁不得。豔陽時節短難留。
底須勞攘忘微命。城上烏鴉已白頭。

悼亡女壽真詩七章

天地浩生死其疾如飈輪相摧到骨肉焉能任達真酸
風西南來颯颯過庭戶孤燈黯不明寸心爲消沮剪紙
招汝魂寒月天渾渾露叢野燐碧木落江黃昏汝魂去
未遠歸來入我門

臘寒中弱體汝疾已內捫貧賤謀卒歲安暇顧汝身春
陽暢生趣汎汎屠蘇杯飾汝蟬鬢冠兩足紅縷鞵黃裳
間綠袂繞屋歡笑偕還言元夕近看燈城南隅阿叔汝
愛我爲我好攜扶豈惜汝攜扶今夕是何夕開門燈滿
街閉門月無色

維昨日初十汝病始戀床燭光照肌膚暈暈如海棠枯
眼視汝爺棘手假汝孃但言兒可憐一語盡兩字慰以
平安辭低吁翻佯睡少睡吾亦安焉知汝心碎

生汝乙酉年九月日廿九愛汝期永年名汝曰阿壽千
金掌上珠懷抱不離手稍長馴言動百態嬌泥人慧穎
駕羣侶灼灼雙瞳神戲言道旁棄掩泣牽母裙漸知弄
粉澤紅白塗輔脣拈鍼學刺繡繡作顛倒雲年來解炊
澣爲母分操作嬉戲是汝時汝且以勞樂

矚鑠太祖母老病久牀蓐諸姑玉筍立心愛惟汝獨汝
心亦獨親一日數問安以意伺所欲趨侍恐不前天性

積淳厚卽斯湛永年閨里盡揚詡吾家有令嫻使之等
物化平生余何愆

文字不飽煖歲月多別離入門見和適出門亦安之蘭
幃照秋月軋軋鳴素機亦有遠道思賴汝相慰怡鄰兒
得父愛歡躍庭東墀傲汝汝輒妒時問余歸期余還更
嬌泣索餅頻呼飢風雪浩平原昨歸歲云莫汝來依我
眠絮語夜深訴猶恐汝身睡讓席不敢驚汝弟夢朝起
還作呼姊聲汝姑年八齡與汝齊肩行娟娟過花下俏
影蹀疑汝舉幃一顧之心黯復何語

五尺桐棺青零星舊衣帛草歛堂之隅低月慘生白汝

母汝祖母淚乾氣欲逆戀戀猶望生繞汝撫汝額送蛻
西郭門星澹風刁騷孟飯餉鄰鬼野枳鴉犬嗥寸心羅
萬象百年訣一朝百年訣一朝魂弱汝誰依暮冠荔爲
裳上驂雲虬飛遊戲光碧堂夙根焉可知

江上簡劉

朝元

索畫

雲凝柳不動水動似流雲柳軟燕難坐水香鷗與薰短
竿漁曬笠橫鬢女前裙劉子畫春好當能畫夕曛

芟亂竹

尋花憐蝶碍掃葉厭童嗔斬爾葛藤擾還君清淨身從
今延早月倘可倚佳人好筍明年出分篁去庇鄰

返照

返照逼蒼林
天空見一禽
禽隨飛葉下
嵐入遠江深
薄靄催初夕
疏風振病襟
自多搖落感
未待鬢霜侵

山樓

山樓夢醒擬江樓
萬竹爲潮水氣浮
天上有雲皆避月
人間此夕定驚秋
十年不作清涼夢
一室能供汗漫遊
倚枕微吟招物籟
雙蟬斷續獨蛩幽

簡湯

鐵厲

志葉

元堦

郡居

路遠嫌疲馬
情窮稱獨居
鈴塢殘燭影
蕭瑟故人書
秋信梧難諱
離懷酒共儲
樓西山一角
爲我寫慵疏

夜宴攬碧軒卽事二律

玉綫石榴裙清歌隔座聞
牆陰花背月天際露凝雲
帽影宜苔受茶烟與鶴醺
重幃環窰處沈火有濃薰

心多難綰處不借柳絲愁
演俠宜長劒迷春目別樓低
簾防客燕高燭警湖鷗誰是青蓮李拈毫序夜遊

鄉居寄同社

拙字媿作乞米書梁鼠窺釜先愁虛東鄰故人亦貧賤
暑汗淫淫御無練園隅老筍蕻已黃野桃果熟瓜蔓牆
黃雞拍翅啄苔食肖爾主人骨瘦立摘瓜剪桃當大烹
開筵列坐青山橫盲詞可悅勝譚史袖光容齋天雲晴

諸君閉門事苦讀六月城居少涼屋佳人零落方在谷
星夜清啼怨躑躅慰心一事差可誇海田細稻綻白花
深水浸葉多肥蛙

漢仙人不老鏡

鉛淚瀉已盡美人悲玉釵照井棠梨枝棘手成枯柴此
鏡爲蟾蜍水露千年指神螭齧其鈕黃土未敢埋麗娟
無白頭鴛鴦多睽乖撩以雙僂雲紅蔻春方萼萬歲呼
未央演禮如優俳祖龍宮驪山昔誰盪其霾外光不掩
垢投汝清流淮凜凜一寸天自有冰雪懷

同友人聽葉十五

元封

彈琴其姬人以琵琶箏瑟

等和之賦贈長歌

四月之杪櫻桃紅初荷葉綠當南風豈在玉闌在金谷
脆何如燕悽如鴻轉如翡翠狎蘭語闌干一重烟一重
遠移瑤思入天際白雲挂眼疑湘峯主人袷衣踞中座
侍有鬟者鬟瓏璫花影忽從屏角轉黛氣不與簾絲通
但見粉牆萬篠綠貼我薄袖搖青蔥使人心作寸寸水
旖旎到極非人工党家銷金乃瓦子若令狐氏真英雄
君絃一墜變大石日方未西愁曲終起注壺酒竭一海
令臣綺想於斯窮昨宵襪被湖上寺水天夢醒聞有鐘
年華浩蕩逝以瞬枯寥者佛吾願備安知色欲兩天界

真梵不毀摩夷宮遠楊撒地青濛濛濕嵐生縹晚將虹
餘音抗激益紆促迴颺萬里驚弱蓬四十九絃一抹靜
客猶兀坐神肅恭口瘖手棘遍巴里曾不自諒爲蚓蛩
技於所至神可通區區況在凡耳聾攜燈過湖星滿渚
只怨渚上無芙蓉何以媚我騷之胸

復莊詩問卷三

大梅山館集

鎮海姚燮某伯甫

托意三章

層城何峭潔白雲門九重瑟瑟千琪樹神籟鏘虛空玉
女烟景珠飛蓋雙燭龍仙靨媚明月拚映難盡容凌飈
舞華袖飄落青芙蓉天居苦孤跼情與人間通人間無
倥傯徘徊安適從

纖纖麝囊花含葩依春林雙跗隱相絡中有百結心作
意故遲放氣鬱香益沈美人悄獨立襲上紅羅襟因盈
如中酒神味供細斟融想漸與化夢幻皆侵尋露涼媚

新蟾月上啼禽物猶助其致人意安能禁

攜我琅玕簪爲唱江頭梅孤音裊空際紆促生靜哀江
濤起迴紫月出河雲開冰夷藐含笑玉貌珠爲胎羅襪
停遠步側聽如有猜眞賞不在迹微意相往迴何當結
永好並轡升蓬萊

遊白湖

湖雨霽將夕湖氣來遠清攜儔赴眞賞浩然湖上行空
水了無翳天色浮之瑩一碧曳山遠薄嵐含漸冥風漪
泛萍葉雲泚嫺鵲鵲蓬蓬衆妙集曖曖羣爽并接慮歸
平淡置想入空明湮鬱一爲盪塵俗何由櫻及斯顧同

侶風咏殊有情滄浪不可卽容茲濯我纓

初晴

坐雨守澹旬閉門苦躬謁大造闇晦滯粹然變心目蠅
蠓飛上堦遊絲歛相觸宿鳥出羣鷩爭喧媚幽淑浮浮
草氣蒸藹藹生虛綠天倪渾無名真機自然足盎盎方
寸間返之妙涵蓄微諷以相伴客心忘岑獨

飲酒

太虛無滯象因物迭陳新求諸視聽外所接無不真冥
坐澄內照動默隨兩因適然忘故我一理齊化醇薰風
自習習何者爲陶鈞

復莊詩問

卷三

二

大梅山館集

咏蘭有贈

閒庭紛衆卉，崇蘭矯無汙。幽致溢外韻，靜質含內素。胚
胎善醞釀，月露供棄吐。誰置雕文臺，曲意加調護。光風
汎其芬，揚揚此始布。佳人妙及期，莫使感遲莫。爲子諷
九歌，襲予疑風晤。賞近心已遐，接久氣默互。糾結在情
微，緲綿難語訴。攜琴一譜之，澹然外塵霧。

寒食

盲風撼虛櫺，春寒到枕惡。孤警動鄉思，方寸起峻嶒。憶
昨行南郊，邱邱滿荒漠。券臺榛莽高，日薄氣蕭索。陌紙
誰廣招，啼鵲慘不樂。以茲悲賤軀，千患莽淪泊。貧賤迫

流離歲月馳已昨親髻就衰頰何由補藜藿常使佳日
逢頻此異鄉托哀哀荒巢烏望望出林雀天海霧陰雲
遊子夢魂弱況味交苦酸吞吐忍齟齬靈明嗒然痿文
字不能藥攬衣循中庭露氣溢荳蔕翻令思庭樹別時
幾殘鄂風雨經浹旬到今恐零落俯仰物態殊憂心益
焚焦揜淚不忍看返步下重幕

杜湖

策蹇循湖隄湖流怒排歛一角去東南勢陡破山入山
脊黝以虛夕日照未及林烟滃在岸盪作雲氣濕其上
大茗峯詰曲了層級飛霞界不斷行人樹頂出元象周

六虛真構無僞襲騁懷橫莫阻隨往足注挹積望抒浩
吟清風滿篷笠

寄婦三章

初日照層樓天遠空無雲之子渺春水幽怨含白蘋亦
知相見易百里等比鄰殊處迹終隔詎以遠近分絃離
但撫軫轂脫安成輪投子以尺素屏軀幸自珍

君昔歸我門天桃春日姿東風不能護坐視容華摧食
荼忍所苦汲炊還獨持聞雞未遑寢枕席無安時柔弱
況工病顧影日支離恐傷堂上心操作翻強支此況如
在目遠念能勿悲

誰謂春可樂翻令子心警年年芳草生去去結遊韉屢
別行計熟筇篲早安整但言莫遲歸含意已無盡梁燕
不獨飛徘徊日夕影念我知迢迢燈寒夢淒緊

雛鴨

惜無桃花枝看汝蹴花嬉纖可玉籠養嫻能水性知愁
風尋戶避唼蘚下階遲拽手竹竿短嬌兒慣與欺

雪盡

雪盡城都綠東風緊昨宵江光如靛染嵐氣作烟飄初
燕聲猶澀吾園柳未條芳時宜醉被待打越孃橈

相逢行

東風吹海城春雲薄如綺碧桃婉軟鏡屏開雨雨流鶯
語未已爲君醉作相逢行綠華調鳳天宇晶纈眼媚人
水暈白曉鬟委地烟痕青香胎內結襲微氣空山月澹
生遠情今夕宛轉歌明朝渡頭別螺門日落張錦帆楊
花過雨潮生雪楊花落盡春不歸留得楊枝與人折

約同李

嗣香

葉

元璧

暨內弟吳

起鵬

遊普陀山放

舟十六門作

未及奇險觀先得幽邃致巖港紆如江漣漪動春翠古
木千章交脩篁一川媚磯心無鷗巢沙尾有星墜欸欸
漁舸歌隨風警微寐葦屋逢酒壚少住愜晨意漫作浩

蕩行頃當履初地雲容開大漠孤鴉壁蒼翅

自桃花山至沈家門

安期綠髮住瀛壺手掣驪龍徑寸珠襖水桃花思上已
仙林鸞鳥覓春雛弄舟可到猶塵境出世終頑是濁軀
聞說秦皇求藥地桑田十里已乾枯

渡蓮花洋抵短姑渡上岸

水天一氣浮鴻濛遠目直注搏桑東搏桑之樹一萬丈
高下盡作珊瑚紅飛颿可挂不須酒桂露如漿瀉珠斗
當攜古劒屠白龍那用長繩繫蒼狗十帆五帆齊出關
我舟自在中流閒片葉猶沈善財礁羣花已拱金鉢山

霞虹空際交丹碧回首人間黯然夕松虬離世成墨雲
蘭麝出劫鍊貞魄我不願妙髮環珞垂續紛枯灰吹醒
天地春只願乞佛百年假枕琴高臥窮厓垠

由妙莊嚴路至普濟寺三章

入門先滌心我佛有明戒鈎連躡景梯玉光徹天界入
面旃檀香霏然納襟帶瓊籟發水琴珠烟噴山黛瑰璋
星源植精靈海東岱初心三古邀濁氣百年汰鳳嘴花
未冥龍背月方藹彼岸亦已登猛焉割諸愛

不履中極高安知下方窘置我太始間神駒氣爲勒朝
海羣岫巖纏天萬松繁華虹曉將旗纓雲上台衮山門

作扇開若恐曜靈隱石乳多潯烟蒸爲五色菌往結永

壽緣

永壽橋在寺門外

迴顧玉堂近

玉堂街爲至法雨寺路

漢代梅南昌

於何類潛蚪

手握如意珠披洲入龍藏傳燈錄秘辭證之義皆當世
尊法總持滿月帝王相仗衛諸天神儼列光武將玉帛
一勺泓寸心萬古養寸心如茲山獨立謝依傍鐘梵出
峽遲星斗落檐亮且抱青蓮眠蓮浮大海上

息耒院

佛燈熒熒一星挂庭筍將篁蔴初敗維僧六七如雀羣
搶攘團蒲學膜拜柴門松綠籬枳黃夕照在地人影長

復莊詩問

卷三

六 大梅山館集

東風不受海烟氣吹動春嵐作麝香

白華菴

蒼荀花巢冠上裊幡風颭榻夢能聞澗流夜細調巖語
苔氣春酥膩石鬟醉佛定供獅乳釀梯雲誰上劒鉞山
蜷枝不與青鸞宅古木如禪老益頑

澄靈澗

玉局三生夢人間石銚泉鍊心初夜月洗耳再來禪大
海無真岸空山有逝川遠公餘舊屐誰結聽琴緣

青玉澗

藻縫皆山影沄沄動日光臥來老松樹坐作釣魚梁曲

磴隨沙轉漂花過峽香濯纓清若許何事憶滄浪

旃檀嶺

青玉蓮花上界池罡風一切已無枝危壇獨火丹升後
萬郭清鐘夢覺時作氣飛騰雲出峽將心沐浴露盈卮
三乘叅得天龍妙消受真香有白麋

旃檀嶺下菴

夾壁喳喳響林深不見烏瘦松能礪石獨沼但生蘆地
僻猿蹤滿僧貧佛面孤蕭然外塵障能使客心逋

達摩峯

東十二峯西九峯獨來髡頂聽天鐘十年風雨雲魂倦

誰問匡廬掛壁龍

青鼓磊

山勢愁海沈力挽氣能健頗師女媧巧畧洩精衛怨盤
渦成鋒稜剝落石星散倒偃鐵樹根強作一脈貫大鼓
小者靴糾結莽與灌扣之昏無聲捫之色如炭堅可惡
浪磨轉遭水苔爛圭角外已無誰諒性廉悍且看挂壁
藤白日蒼鼠竄

喇叭嘴

俯吸落日氣仰吐初月華容腹未及斛作意偏谿訝林
陰石垂掌與雲相攬拏揉之極紛碎散如楊柳花螭房

布空洞瀉下多潛蛇昆布春不生搏浪惟有沙投身生
大怖坦履亦槎枒誰云千丈潭自燦光明霞

笑天獅子嶺

大間揚鼓旗干城有神獸祇林多野狐法王正西狩角
爲蒼龍精一舉此鍾秀孤雄不受羈莽莽冠諸岫海氛
東出關遠避不敢寇况存歡喜心詎嫌生相陋蓮洋雙
峽懸峽石作牛鬪安知騶吾祥能徵王者壽我行摩其
巔挺然骨嶢瘦願以千丈繩繫之貢天廐

餓飽嶺

人壽無百年能得幾餓飽髀肉方待生皤然髮先老此

嶺誰所名名之非臆造我佛崇慈悲衆生有同抱知爾
塵中來憐爾色枯槁香厨一粒供九地共除惱况以真
實義隨緣具栲栳雨露有大滋生機發春草我行如倦
馬意亦屬芻蕘齋鐘猶未鳴赴食尙云早

煉丹峯下仙井

神洲不宅龍積蓄萬年雨醞作醍醐香與僧養清苦落
葉秋不乾雲漿滴丹乳一淬冰鏡光山鬢靜相嫵石罌
懸到根大星浴如炬但照鸞鳳遊不照螭蛄語

月夜坐海印池

空池但有竹柏影初月窺人海東嶺吾衣拖碧如遠山

欲化雲痕落千頃遠山如鬢如畫屏薄烟染爲荷葉青
畫屏一扇一鬢倚春泉作佩風泠泠梵唄不鳴塔鈴語
孤鶴飛來月方午定月不擾諸天眠高鶴能令萬象俯
天花一拂層殿開芙蓉捧出金銀臺明邊虹影挂松樹
暗中露氣生莓苔斯時獨客曠無住身可棲瓢且浮去
放歌溟渤五嶽小浴夢蓬萊萬星曙寸心靜得細縑香
瘦猿斜睇西玉梁誰知空谷清鐘夜絕似人間暮雨涼
鷺峯煙霞館二章

四監祠堂萬木榮紆隨木勢傲軒楹鳥巢黃有松花色
佛磬疎如滴水聲遠遞亂篁遮別壑倒吹雲片上雕甍

維摩信可毘耶住不向空天問化城

玉河在咫尺可湔裳朱鳥垂西已倦翔眼送魚龍歸溟渤
心先風雨得清涼高櫺盡作鴛鴦勢古草能爲菡萏香
留得六窻明月住慧暉衣鉢未全亡

五更赴朝陽洞霧不見日

太陰布空翳四極交蚡縕獨有魚燈光激射蒼樹根茲
洞一甕小犄角東天門千年通道猿避人每來蹲目攝
珠蚌浮引氣潛吸吞遂使顱骨紅礪之成玉痕至今珊
瑚梢猶挂湘江魂繫我無仙緣並靳煦嫗恩返觀得內
朗幸不心地昏中關一黍田自有子午存側耳聞雷輶

軸折疑無坤但餘北斗高下攬羣象昏元黃戰郊野古
劫難遞論歷劫火不滅乃見牟尼尊金鳥翼已振大塊
猶覆盆肯受冥漠風坐吹元髮髡去且飲醇酒匿夢黃
河崙

會仙峯

鳳巢不綠琪花彫赤城在咫尺春霞消媚蘭抱瑟去西澣
山屏一角空烟髻玉蟾沈沈北斗夜百級瑠璃照臺榭
山川了了如布棋萬里潢流自高瀉仙之人兮不可期
石巖松麝相邀嬉扶搖九萬直一瞬大鵬肯挂睂睫飛

金剛洞

石有崩頽劫誰爲不壞身樹堅能到骨閱世又逢春荒
可包三古幽堪避六塵久窮師子技努目漫含嗔

籐蘿境

北厓綫路撥虹尋薄有嵐光動素襟宅礪爲家猿狎婦
倚松作壁客懸琴啼鳩天氣夕未夕貯月樓臺深復深
石縫孤花紅一帶睇烟獨抱屈騷心

二龜聽法石

石梁雲斷畫巢傾古壑烟泉送梵聲蓮葉汙泥歸解脫
元天北宿夢崢嶸吐如有息頑心換鍊到難磨道骨成
那得生公常拄錫爲渠灑露說無生

磐陀石

露枯風篴轉七盤金莖十丈見雲端砥如華菌剗霜片
天與靈狐作斗壇世味無終持已定道心有始立先難
願叅一瓣青蓮偈於此跣趺對浩漫

宿茂公山房二章

高月懸禪心天地作水止短竹青在門時聞宿禽起
佛對粵落元譚參妙理座有長項髯餘馨汎蘭芷殘燈
飄地光吾意與之委不知空山中魂夢究誰是慧劍雖
利手能劖道根毀當披五濁塵一閱萬象詭

微風開幢幡塔影見天末願爲塔頂珠獨明照蒼閭平

生苦海遊勞心似雲活醲露猶未成驚鷗氣先奪靈光
忽耀空使我兩眉豁在手塵尾青一掃萬喧聒心領有
秘傳上梵不資鉢且斟沆瀣泉先救十年渴

洛迦洞

天斧斲雲肪構此鸚鵡巢僅借一髮纏能使根蒂牢瘦
禪露肩骨結屋楊柳梢眼如日月丸不動中星高亂藤
結烟網布空疑蠅蚋飛鷹偶一擊颺之千里逃時聞鐘
梵聲出自青蒼交青蒼去無極但有六合包於中一勺
水幻作九海濤况馳無定心平地皆滔滔緣梯摘初菌
束葦尋獨猱弗誤今日遊一墮將蓬蒿

清涼岡

那得熱中客羣來退步看振風衣得露坐石目隨湍物
向閒中寂心從定後寬松虬無一葉嫋嫋碧蘿寒

佛頂山

已覺諸峯下身還恥雁高規中天有盡象外劫誰逃蓬
弱仙之宅風波逝者惜人間無坦地幾輩息塵勞

紫竹林

法界金輪孤低睂佛相現以我自在心上作元燈薦天
笑舒堂楹灼若神女電香象無殺機三靈共恩眷老鷹
過厓睨鸚鵡語方囀鑿空生綠霞撲地有餘蔭檀欒開

畫屏潮音打成片指顧西天門日華動旛扇膜拜乞上
乘僅許一指見誰憫鳩槃荼墮劫入淫變繫昔史越王
丹心照清汴奸諛上兵牘胡蠶肆狂煽北窖灰難揚漜
血九重諫須知上宰慈早植佛根善至今瀕海民未敢
煮黃蜺遞及哈喇歹悔罪折壺箭遂披蓮華雲仰覩滿
月面我慚塵障深奚止軀殼賤十年犖胸稜稜自捫
遍出屋眄太清遠景極雕絢五色龍觜虹一縷靜吞嚥
因思四百峯露頂坐平淀蒸之潮氣蘋染作萬林茜乍
有疏鐘聲空風與迴旋卓錫忘舊山吾還感流霰

自飛沙畧至梵音洞

蟄龍破霧遊天厓，斷中硤亂石青芙蓉。垂瓣皆倒插，上有流金砂。萬丈布黃氍毹，圍砂千仞城。三面九里堞，一面當海脣。雙礁鎖爲牖，大魚豎長髻。逆風與潮狎，我來循坡行。平眺氣先怯，穿雲線路微。其容半軌恰，松丈披赭衣。捫之動鱗甲，瘦硬蟠地生。蒼髯易彫乏，忽剗松外烟。復得蛇徑狹，絡磴多蔦藤。試履自平貼，其時日未中。暖氣已驚蝶，蝶宿如野花。蝶飛同敗葉，下窺蝶影中。玉窻樹橫疊，倚窻人藐姑。臨風委珠襖，窻下冰漪寒。片泓割清雪，淬石成干將。鵬鵠森在匣，上修戒旁門。祗重平等法，何以變幻觀。未逾彈指，雲弱水。今涸枯飛鸞以神躡。

一瓣兜羅香戒壇禮迦葉

書涉切

潮音洞

捫壁縋龍灣金沙礪齒齒駭景動怖人先令耳目死巨
吼天關蹲不肯掉迴尾鑿隙如兩眸其神注千里披薦
測下深凍雲削爲底倏有萬片花片片拍風起上袂不
可撲透濕已及裏不知何代潮蓄作石中髓祇園千百
林照浪動瑤蕤西面當陽暉翹翕自成紫林陰開海藏
天寶羅環詭桑林浴日池同此一源水納之石牖虛不
直半觚視倒入天孔光如星落參觜仙籟琴竅交玉韻
珮珩委轟聞作變聲出入雜鴉鬼難於金剛堅終不受

摧靡不然積石門堯時已先毀昔多投厓人謂身供佛
使豈真凡肉軀其生媿羊豕氣餒難止留言旋及殘晷
蹴烟踰斷梁寸心戰秋葦

法華洞

一舌轉法輪一睫具大千妙境造諸極自非言可詮離
塵有圍石俯頂突過前蒼根老檀樹挾勢相蜷連僂行
出其下觸氣芝菌鮮仰驚萬仞勢一落當吾肩古苔厚
三尺蹴之疑薄棉腕底華鬢雲盡作樓臺懸樓臺百二
門面面皆有天一天一世界隨界開白蓮此蓮非佛種
亦非凡世妍跨鳳掇其英觸手成古烟不知此身輕已

置蓮葉巔風來頗愁折其下龍所淵眼攝列缺車揚火
驅鏗鏘遂使布金地糜碎無寸全吾意造諸幻直破混
沌先似茲結構奇知巧難鑿穿天心好神詭得毋元氣
鐫寂外守中拙庶希龜鶴年

法雨寺二十韻

須彌四天下曇鉢浮幻泡誰疏玉龍脈暗結珠蓮胞露
枯震旦閼星陷金天顛縋絙奪蜀隘搜九開秦嶠一握
地不受百靈神所教櫛丹桂薨聳瀟翠蘭構交瓊斲秋
虹梁花妥春霞旂空烟瑠璃階綺月珊瑚巢璣蜚鳳檀
甍磤礚鼉鼓桴藤澀懸真梯斗朗羅泓坳崖泉霏紫瀾

石骨蟠青散密音攝妖響上象森貌聲疏脣萬峯列古
曉千蚊巢中黃靈蚌吐太碧神鷹捎祆童月雕面善女
瓔拂髻東翳澄大暉西籟迴遠颺皇式布囑晃寂隱歸
矇聲壺冰魄資濯琴柱心辭膠憐閔閭浮提參悟元命
包但乞鑣薤蓬奚問鐘懸臄

由南天門至蒲桃嶺四章

清歌出雲中却在澗之下澗門通石梁獨行有樵者向
人銜果飛孤鳥極閑雅偶觸斜陽光其羽變深赭履坦
殊自安物情以心寫天風可御行不求穆王馬

環轡如井幹惜無梧桐枝中有行雨蛟雲起知何時宿

桃香尙穠茂木翠方滋喜此岵嶸心平以春風姿碧瓦
出遙岫朱檻杳可窺似有紅衲禪手把金屈卮

石鼓叩無響往作六嶠遊迎客西南山聯袂低其頭背
巖開萬花不知海風秋時有麋鹿來聽梵明月樓安期
葬叢塚丹竈今何留眼中出谷雲一逝長悠悠

海岳雖未雄細徑自紆曲乍逢赤腳僧沿山種黃獨路
出松樹陰一起不再伏落背空鏡寒入掌萬巒綠散漫
東北峯一氣與歸東浩歌天姥吟願追太白躅

觀化四絕句

大海投一瓢十年不到岸蜉蝣嬉暮塵安知世有旦

寸火照一室寸心燭萬里止爲鏡在匳動爲風過水
震旦撞晚鐘西民方盱食健臂能捕蟬螳螂等獅力
萬物具五色其造太素始誰識盤古先已有混元氏

遞鐘辭七章

秋風起矣惟蕭惟蕭來無端倪上下次寥浩歌響咆壯
志欲消俛弄佩帶鷄血在刀大梁千里關雲掩霄美人
其遊珠冠玉髻藹若相媚寄余寸珧空山幽遠行種蘭
茗

太古之雪可以澣衣聖人絕學廼受墨欺晴旭浮野湛
露朝晞大皎不滓野馬正肥鐘筵冰炭張我軫徽護矩

內葆詎曰知希

羊腍已餒朱光未升頽雲閉雁折我繳矰往駕海撥潮
碩沙砾蓬山巨髮翠遠不憎九臺上俯覈重鬱蒸仙姝
蟬昵玉理膚激眉動何憮奄歔飛翳麒麟慮輶獬狝善
騰易測迺下守隅曷矜聾聵三日誰其鼓徵

陣馬校肅交河夜馳愁雪迴袖悲風削肌仰視天色飛
埃上緇雕隼避舞彗槍爍垂戈甲指顧河山轉移登臺
西眄沙黃草萎王藩宴樂殤鬼涕洟城南一戰萬古噫

鼠格牛死蛇鳴象殲物以性制何視巨纖有鳥東來非

鵝非鸚射日眸紫垂雲羽黔午氣爲肅羣蠕蟄潛安知
矢筈寸刃霜銛蓄德爲知矯節無廉黃金邱山不易素
縑

瓊壺寸握脣窪腹穹冰彩四映抱潔在中志散情溢神
歛氣冲漏橐折簫天難與功河流東駛靈源漢通星斗
交煜琪林綺蒸六鑿幻攘歸諸瀕融嚮無清濁曷分聖
蒙

攘袂而起去將安之反關默守岑兀亦怡春葩燦鏡晨
颺爾吹滴露在蘚黃鵬弄枝匪引若得已悟誰思遊乎
大化六合寸知空氣蕩遠矯澹有姿陶然無盡酌我瑤

卮

冷泉

不與衆流溷幽潭繞碧阿澄光孤月定片影白雲過禪
意自虛得凡心愧熱多泠泠琴一曲清氣滿烟蘿

孤山

之子已長往高風賸此山一輪千古月空復照人間水
影孤亭冷梅花萬樹閒白雲起天末不見鶴飛還

雨後

西風一夜雨平楚忽蒼然新漲急羣勢孤鷗盤遠天余
情與灑落雲物曠澄鮮會約廣成子乘龍羣玉巔

夜坐山亭

層陰生碧澗，午月高在松。
繞松三五岫，寒翠浮重重。
至靜歛羣妙，坐覺孤亭空。
翛然警微寒，露下聞遠鐘。

宿陳氏齋中

天半忽無月，片雲風送過。
是誰吹短簫，幽怨落微波。
蓮動露華散，竹深涼氣多。
故人殷脩酌，欲飲奈愁何。

人倚樓題壁

漠漠一湖雨，畫橋春水生。
柳花飛不散，烟外落鶯聲。

登圓妙觀彌羅閣

傑閣通霄紫氣浮，尋真獨上最高頭。
鸞輪下界驅人馬，

星斗諸天肅冕旒南極雲低三輔夕西山日落五湖秋
何當手按昭華笛吹醒塵寰萬種愁

偕同人遊西湖晚歸以蘭葉露光秋月上分韻得
上字

烟樹極蒼窈天水合泱泱羣景納真氣入眸無憑象西
風揭雲幕孤月忽在掌擲笛作龍吟高聲自虛上淩波
萬菡萏金翠互搖滉氣靜物爲涵境澈心與朗元鶴不
可招逋仙亦已往浩浩千載心於茲成獨賞

擬古五章

羅浮五色蝶翩翩麻姑裙華叢恣媚舞文采何繽紛文

采非自炫及時娛所欣八月涼颺起宇宙失陽春雙翅
弱難舉飄蕩隨烟塵芙蓉爛秋水丹鞠耀籬根寒蟄飽
清露適機無喜嗔

烏孫有天馬神駿凌肅爽贈露白蹄健灼霄青腫方輓
轡困欲死賞識逢孫陽飾以金障泥控以銀絲繩報主
振奇氣蹀血平戎羌一鳴響千里白雲爲返翔功成朽
骨棄驚鈍翻侯王巍巍黃金臺終古明月涼

美人理瑤瑟夜坐白玉堂天迴月華淨入戶流素光含
思渺何許凝盼沈若忘欲飛身無翼欲渡河無梁撫絃
不終曲曲終恐斷腸芙蓉飄颺颺驚起雙鴛鴦安棲弗

女傷及此良夜長

西蜀年少子才氣薄秋雲冠弁燦珠繡捷策金馬門歡
宵侍宮宴汎瑟娛陽春蕙風暢幽素桂月流艷芬扶掖
辭內闈含醉驕主恩涼飈下金井梧葉飄紛紛芭鳳愁
鍛羽迴舞丹邱垠盛寵久難恃榮華轉就湮太白有仙
骨散髮走燕秦

餌丹信不死神仙遍九州安見秦漢帝不復歸山邱瑤
池幻咫尺錯燦芙蓉樓闐風振鶴袂彩雲迴鸞輶滅影
倏如電去水不返流容顏尙難駐何論太清遊

詠懷寄厲山人三章

資風健羽力亦日能遠翔強飛逐鶉鷗不如林箐藏林
深苦多弋箐密苦有霜入極未云跼思之益女傷

月光澹春夕蘋末微風吹清華信可擷持之將安貽極
目各曠遠異境知同悲思君無已日天地有盡時
平生有遺患及感還獨傷知我信如子欲告終旁皇秋
深蛩語哀雲淨山月光我心非遊魚世機安能忘

月夜登北城

危堞浮海孺延爽眺孤夕露滿虛景寒月高羣象白奇
瀾耀珣玕亂島交盾戟天水兩翕融於中界微碧安期
千載遙鴻茫復誰關俊影睨漢雕遠點散帆鷁大塊何

拘墟藐躬自跼蹐

秋夜

澹澹銀河流的的星斗轉露重螢力微風來竹陰展秋色如愁人與時爲深淺

子夜歌

寒風機上秋愁緒和絲扣製衣寄歡着歡身有妾愁

飛龍引

天風吹瑤霧鳳翼青翩遷美人冉冉下城闕凌風一笑何嫣然六銖雲剪龍綃衣奇輝耀眸冰雪肌步虛忽作小垂手仙花蝴蝶相交飛青冥高高莫知極余生所願

何依違君不見藁車楮馬填門戶百萬黃金賤如土

聞蟬

蟬響忽淒咽園林知變秋驟寒應汝畏欲避定無謀商
籟起天末冷霜生樹頭誰憐伏枕者與爾有同愁

獨雀吟

枯林緣岸曲柯條互側傾朔風起相搏窸窣微有聲覓
巢歸獨雀日落難爲情寒重羽無力墮地迫哀鳴叢陰
罨遙卓朱實垂橘橙托身良有所縮翅畏就營霜嚴匪
所慮恐受羅網驚

冬日

風緊朔雲動村荒古日斜江天盡積雪空闊見殘雅物
換易成感年深尙別家悠悠我生事浩浩信無涯

復莊詩問卷四

大梅山館集

鎮海姚 變某伯甫

立春曉起

桑曦照幃室塵薄散宿昏引格試春酌盎然得微醺衆
蓂藐含綠生理足內存妖靄在空闊觸處寓歡欣化爾
沈憤氣還諸浩蕩仁行譌滿衢市誰非義皇民

答盧生

派

招寶山見懷韻

春城宿草見初菲憶客山樓坐夕暉碧海風濶知不盡
青天雲鳥自相依孟嘉宴會當年酒季子飄零此日衣
好共聞雞訝擊機莫教雙髻悔來非

遊北湖

崇門通陵巘紆步就林樾萬翠晴歛空湖光盪之活暫
遊慮已淡曠領想逾闊虛響衆壑沈微影去鷗沒循梁
赴水亭緣磴度木末餘暉足娛人淹留坐睇髮撫景惜
流華吾生信飄忽

聞雁

尙有未歸雁嗷嗷中夜飛謀生吾亦倦前路爾何依風
雪稻粱盡關河歲月非巢林雙翠羽只是樂芳菲

寒月

大地閉門早中宵誰倚樓高寒不可逼霜氣亘天流潭

影蛟龍警山空鶴鶴愁
煤花三萬樹我欲夢羅浮

讀書

寂理存太素持滿無纖遺
羣生挾以動日接忘蕩怡
林篁翠相媚幽鳥停且飛
微覺遠風至時有烟光霏
讀書坐晨夕新悅古與依
秉默滌外滓逍遙何是非

西懸嶺至孔家嶺遇雨憩村家題壁

憑軾陵高阜六合在眸跼
蒼霾東南來鬱渟萬山足
旋風爲歛張浩然盤大軸
人烟沒泱泱真氣返沈穆
燭龍吼天門琅琅散珠玉
青童芙蓉車下界走輪轆
奇幻得未有內志轉約束
輿僮鼓勇健爭道叱樵牧
百阻始出

難荒歧見茅屋叩門不問主愉悅暫停躅瓜蔓高上牆
庭虛慘生綠牛羊馴籠檻希鋪半泥濁巖溜接瓦飛清
濺潤枯目村叟志豐歉嘖嘖誇旣渥服力不藉人安處
遂生欲咄余何爲者以身供馳役變境動輒遭帆肆入
心曲定久回怖生出門還返矚大化善翕闢氛陰歛忽
倏驕陽掣高宇平照睨如旭羣峯錯金碧衆漲浮晃晃
始知天變常意在蘇萬族微得動潛理畏倖付亭毒且
行隨所休等身於螻蝻

經長溪嶺憶鶴皋諸子

灑衣竦微濕夜氣交衆涼沈靄互漠漠鬱爲松楸香虎

語洩盤谷神火射幽篁泥鹵下盈尺蹴之皆危梁水自
遠峯落奚止千丈強心悚動虞蹶神沮不得揚故人居
邃閣睥睨浩八荒飛夢騷霓車海島夕翱翔覓我不得
見城陰空赭黃安知勞人勞跋涉苦踈傷特何幻耳目
暫曉生滄桑出危倘有術魂來其相羊南思復北顧奇
氛遠益蒼蒼然接湖尾湖上光碧堂堂中朱絲絃一月
不更張安卽附鶴至聯袂寫哀商

同厲三

志

葉十八

元增

泛白湖作

亂雲洛水天嶠峻平湖豔黯光不青羣山繞蓬變酒色
荻蘆風過如雨聲疎鐘松杪僧樓夕鴉點含烟散浮碧

菱絲牽勝入盤峯背峽頰霞花洞開空明切地浮皚皚
北湖水盡南湖開綠莎罨岸萬楸合鸞鑣颯杏龍媒來
時一客乘
馬後至
相逢下馬喜不速入筵三馨春杯綠西日迴

光東雨飛爲整鵲絃撥紅玉蒼黃互合蓮華搖山君含
睇蘿狄號絃聲雨聲兩迫絕余亦和之須臾笛主人胡
爲愁忽交手揮涕淚歌寶刀樊榭山人更奇絕以筋擊
節髯蕭蕭亟聽蚊視唾大塊氣浮東海抑六鼇胸臆所
在真宰泣詎以成敗論逸勞浩然憫視人間世瀾漫大
夢沈不驚颺輪忽轉遊氛消銀河月朗中極高且盡壺
觴樂今夕安庸擊楫增鬱陶

喜雨

入霽十日天不雨
冰簟藤陰難道暑
晚山日落雲意生
屋角寥寥一鳩語
穀雨種稻今未青
田龜欲拆無蛙聲
市中頗愁米價貴
西蕩魚蝦不入城
夢迴清晚如烟夕
起看芭蕉展新碧
莓苔欲作荇藻光
階下泔泔已盈尺
門前大樹夙有蟬
樹下荷葉方田田
行須飽飯坐漁艇
盡日尋詩向鷺邊

珠蘭

香粟佛天飯
蕊珠仙界衣
托名應自貴
含蕾再難微
蕩子甘心與
村孃媿髮稀
一春清素願
消受露華霏

茉莉

六月含章殿何來點額梅結烟憐小串貯露怨深胎墮
粉攜鉙拾纖蜂索袖猜畫樓天漢近聽曲夜時來

疏黛四章

薄羅新萬色疏黛遠山痕潤髮盤花膩香心抱麝溫彩
鸞無禿羽瑤草有靈根記踏婢娟巷春烟滿畫門
細腰憐楚國響屣嬌吳宮靜息吹春絲醺肌灩晚紅風
情團扇約月意曲闌通藻野初逢日桃花噴玉驄
風漪屏角濕冰汗簟心涼夜燭飛鸞影晨匳墮馬粧閒
愁傳曲衆秘語漏迷藏儷以金籠翠貽之繡段黃

韶年劉碧玉風貌薛靈芸錦帶歲粧佩純幃蘇合薰麗
光嬌海日綺夢熨湘雲但惜盧家院烏衣老燕羣

鬱噫篇貽郭萊陶

鬱噫風起礪大宇海潮山立天雲搏吸而納諸方寸內
力能制之誠所難凡臺先生鄮山傑我與把手雙湖干
澄潭在抱氣清迴古梅作骨神森寒半生貧賤縛文字
挾瑟未遇知音彈托以酒酣恣奇論英爽欲與天地蟠
余亦窮島一下土卷軸無補空浩歎蛾眉祗以媚人畫
欲嫁誰聘青琅玕藐然含思倚修竹翠袖自苦日暮單
生有同憾忽邂逅相與涕泗交洗瀾高歌夜永星斗闌

拔劒擊柱風落冠欲將此意廣宣告坐令陌路憎腐酸
且與持竿東入海手披烟霧窮汗漫

題童璞碧山人梅幅

中宵風雨戰突兀龍螭矯怒驅神雷燈光閃睽不成夢
起見破壁懸古楸直幹落勢欲千仞橫枝鐵偃難力迴
枯澀所到見至潤陽春吞吐羣萼開生氣繞墨耿不死
胡爲入劫遭塵埃捺蕪滿天地蘭茝多戕摧空山之槩
一再鼓牙曠浩渺增悲哀寸心能使萬古近毫翰幾遭
兵燹災憶昨棹山陰爲訪先生宅荒籬青枳巢螻蛸斜
日樓門閉幽魄握管不救妻孥餓老死人間誰憐惜夙

聞先生工文辭才如汗血轅下羈分其餘菟寄畫繪亦
掃繁縟標清竒想當下筆颯冰雪眼空造化神爲師槎
枒在胸以腕赴古香勃鬱非世姿流傳萬本究何益丹
黃不著終違時只視此幅半漉滅覆甌飽蠹安能知重
爲拂拭寫長句蒼茫欲曉鳴天雞

日暮登樓大風

夕陰平域眇禾氣浮蓬蓬天低交暝色山影橫其中諦
視復歛晦咫尺成鴻濛南閫開大鑰萬馬忽駛空排噓
極四字欲洩無旁通歲方二陰遁何來戰野龍流行任
愈戾主宰權亦窮平生積諸憤至此無寸衷萬物浩屏

息一體歸贖聾

遊天童山四章

捫嶺迴南阿清娛足平甸桑麻蒸微暄風翻色時變籟
寂鳴鳥和樹稀行人見移意就嶒峻拓胸先曠散緣徑
抵松括層陰失霄漢窮搜闢陰森躡跡謝羈絆

鳥道出窮髮盤梁何吟嵒披雲騁健步衣帶紛蒼青湍
流抗厓激山響隨嘯謦俗心掉塵鞅微理悟超乘飢飢
瞰丹果飛狖挂綺藤物尙有至見就僻辭詭爭

天門排咫尺金碧輝招提蘭臺冠丹巘菌閣陵翠梯層
層構復峻上欲雲漢齊象王窮窈窕華蓋瓔珞衣彈指

青蓮華幻作峯巒低微生苦塵擾清淨夙所希持寂意
無滓妙明相因依念此一延佇心與浮雲飛

周覽苦紆折還登疊翠樓縱目鮮遺景竒觀能畢收白
日涵大照清爽橫高秋明山東赴江蜿蜒爭上流遠海
北茫昧勢與蒼烟浮控顧信雄傑慷慨生浩愁排空安
有翮聯袂太白遊回瞰入山路風淡雲夷猶峯平樹如
薺塢靜鈴語幽間樵濯虹澗飛鳥下龍湫仙根不可招
日暮難久留行將覓輿返身世真浮漚

望海樓餞王

允安

還廬江

爲君置酒龍山頂與君攜手登崔嵬明朝離別不相見

一飲須盡三百杯傷君飢寒剩詩卷奇骨兀冪黃金臺
不逢王公加拂拭坐令衣帽生塵埃我亦頻年不得志
簌鴻困縛排風翅語少千秋下筆難眼無知已狂歌易
酒樓三月桃花紅珠簾卷入江南峯相逢買醉證肝膽
各憐年少皆蒿蓬驚人殊態出山鬼歎風唼雨時相同
誰使此樂盡今日當筵把臂生淒惻金杯擲碎淚不枯
起坐闌干看海色海雲不動天風高炎波黯慘蓬壺遙
遏胸愁憤千萬斛相與激蕩成波濤神虬噴雪珍珠碎
燭龍躍日珊瑚搖變幻縱橫生指顧何況風波在世路
揚帆涉險信所難引馬回頭不如去手持玉酌王郎前

吾輩豈爲兒女憐願君此去勿他往金庭竒奧多神仙
朱菌芬藍紫茸膩餌之可以還華顏他時我登此山上
手招白鳳騎翩躚凌虛排翩下九華芙蓉拂袖飄蒼烟
與君共尋王子晉月明遲我浮槎巔

疎嵐

疎嵐出奇秀匝匝青琅玕天風調竿瑟迴翔雙紫鸞歛
襟淡相對露氣灑薄寒千霄信有望貞素隱且安何當
攜玉琴夜坐明月彈

野興二章

禾蔬散平陌青碧交因盍暢遂得生理向日何欣欣息

餐悅農牧三五成野羣脫笠挂牛角仰面看行雲機適
道無競地幽天自淳羲皇尙可作我當就耕耘
山南自村落柴門相依排炊烟起蠕蠕蒼然成午霏
霏靄山影恍惚山雨來因風飄漸薄山翠微微開幻象
喜無着廓然放我懷移神就飛鳥往復與之偕

桃李篇

桃李八九月黃落成枯枝孤松懸絕巘貞心含鬱蘂世
情妒獨立斤斧相摧剝甯使坐招忌安肯輕徇時道旁
長太息不隨桃李萋萋枝榮有日戕根生無期朝菌薈
蒸倩夕槿花威蕤微物爭瞬息能令羣生怡

詣橫河東林菴

飛鵲落空響卓午生微歆浩浩廣川陌靡從安憩勞引
鞭轉山曲徑尾出蓬茅叩門息清梵餘檀香溢寮衲子
具佛相兀對形枯彫歛神歸止水象以不著超塵熱一
回咀苦滯多泥膠膜拜問大乘但言去路遙憐飢少留
住蒸豆新出庖萬竹橫空來露氣清在醪汎几盡雲色
不知天日高風涼忽灑袂薄醉亦易消暫托等泡電移
蹤殊靜鷺鉏笠厲農事人語錯平臯問誰戒紛競植此
方寸苗默焉還返矚鈴語隔九霄

團扇詞

握我掌中置我懷中已拚捐我篋笥中我何德乎炎威
我何怨乎秋風但願潔白常自葆他時思我還相逢

與葉十八論詩二章

兩儀秘靈宰以性攝其源蝨輪轉毫末芥孔具大圍浮
滓猛蕩滌獨領真氣還鍊微入心治充之彌人寰乾坤
供役遣至化翻無權隱然褫羣魄無由執其端但見揮
手落朶朶青玉蓮

春蠶抱寸繭秋螢耀寒芒微物亦自愛安知有八荒與
子論詩理令予心昂低新婦坐車中綽約時世粧褰幃
致窈窕內志折其剛亦有武健士百戰身倔強挫以和

平氣歛袂走且僵得感外旋惑謂存中已亡不見鍊丹
客嬰姪交元黃太精監內景百劫任所戕沈心於九淵
冥極斯驟光霽雲麗五色驂鳳雲中翔掌上驅龍珠燦
如明月璫下燭人間世歷歷辨滄桑會於逍遙遊歸於
無何鄉不識六合氣何論聖與王

莫愁樂

江上山青青不斷如儂情含淚無一語拈帶看歡行

石門

霸業三吳盡金鵝水尙趨荒晉懸驛柳飢馬齧城蕪西
蕩屯營撤東溟去鳥孤風潮忽催夕寒碧颯烟蒲

清明

宿寒散沈晦野闊天微暘
蒸蒸菜花發娛人無俗香
一色浮平野氣雜烟靄黃
觀化得新悅生理溢芬芒
兒童賽神鼓俚歌自成腔
純任辭約束稗念歸至良
勞勞客中慮焉能與潛忘

畫蘭

窮巷多荆棘麒麟久不遊
美人幾榮辱風雨動淒愁
芳意爾如此空山誰蹇修
無聊供塗抹亦自致綢繆

柯亭

天地幾知音山陽感忽深
叢林惟翠積靜夜只猿吟
我

亦抱虛節中郎空古今倚舷一長嘆明月滿高岑

送高繼尹寶森之杭

朔風盤越嶠天水無鴻聲顏雲作雪閉江色江上有客
西將行枯林敗葦雜黃蘗山巒削峭寒崢嶸羣動隱蟄
戒凌厲問君胡爲甘長征昔以文字不救餓淒然薄宦
來海城天騏蹶足墮塵坂顧戀棧豆應悲鳴瑤閭九戶
闢幽篠覓車飄忽雙龍旌會須坐爾墨琚案庸碌詎足
爭微名憶昨悟君湖之堂湖烟挾雨搖寒檠叢篁俯翠
弄枯勺醪醇未御心先傾丰姿玉立氣春爽詞華吐納
蘭橈清幽期未溯忽言別令我愁喜相交并龕山北折

勢千仞江濤日夕驅鼉鯨片帆明日隔雲末當筵悽側
空爲情吁嗟乎當筵淒側空爲情閉門獨立天冥冥

龍泉山

抱郭落懸岫紺梯亘苔色拾衣凜顛仆攀援鼓神力曉
秀通天爽晴旭頂初接雲歛木華靚風迴市聲得引曠
入平晚戒勞坐中級危江若無杪一線去南急絡江萬
瓦青壓江萬檣黑浮梁當其中地勢賴鈴扼雙城互犄
角人靈慘相塞其外浩空霽茫昧越山卽地靈洵固守
我思在人傑謂方正學謝文正肅袂謁忠祠日月炯胸臆置身
爲丈夫安使兩間仄茲山雖培塿千古與雄特使余生

平心默返愧彈劾浩吟縱巖響林禽不安匿俯首塵宇
間羣鷺徒唧唧

客中登鳳山閣

川原蕭瑟動寒愁白日蒼茫獨上樓如我飄零又今日
幾人行旅去危舟橫斜鳥影爭雲勢南北江聲送夕流
憑檻一揮王粲淚相看杯酒黯沈浮

題羅廣文

以智

雲澗聯吟圖

鏡泉感徐少微之遊
作也雲澗武林孫氏

寓園圖凡三人
其一爲孫子勤

大胚媿羣育才蠢各具鄰松蒿繁枯苑車輔相舌斷一
體固金石況在朋友親羅君詩之傑咽吐諸鳳鈞還聞

結交誼更軼雷與陳美人熱中血珮葯皆外情每念城
北徐惻怛來夙膺日莫望荒邱瘴雨寒氤氲霜絲斷挂
匆狐兔遊其堙淒影傍君夢哀哉隔死生者絃唱絕
生者孤嚶呻拂縑誌鴻雪舊樂皆苦辛想昔攬鸞鶴脫
畧雲澗濱柴扉夕山媚曠座屏雜人谷鶯叶春響水荳
交遠芬林壑供諧謔深意無淺樽胡爲異道路百年難
保存元氣忽沈鏐天衢悲隕星庭廬亮如昔燈火誰共
溫豈獨恣悲嘯憔悴蘇門孫一別訣千古涕泗安能傾
伊余好延納詩社張健軍亦希水醴樂味飲常淡醇應
劉後先逝蘭蕙遭灼焚

謂孫幼連明府
葉午生主政

何如毀珧軫守

默堅閉門冰天颯枯樹慘淡江東雲撫卷有同感悠悠
甯忍論

爲葉司馬元堦題倪文貞張忠烈二公詩畫扇合

卷

琴樓書畫羅璜琮中有千霄灼灼雙玉虹云是二百年
來忠臣之墨寶下使凡筆皆奴傭我來展卷肅跪拜知
爲忠烈詩與文貞畫是何卷石癯且竒大草小草相離
披畫爲卷石
間以草蓬麻苦扶不能直矢心耿介蒼穹知是何

短歌鳴且咽江瀨天風挾悲激詩爲公在京
口聞笛作岸巾橫槩

思孝皇北固河山入昏夕吁嗟平鼎湖龍去鼇柱折牧

羊一曲鳳山裂堅頑莫補媧皇天聲淚都爲杜鵑血荔
峯秋月姚江潮空向雲膜生慘碧撫我文貞畫讀我忠
烈詩南都之事尙可爲此言豈與冰槎期疊山遲死文
山早此詞豈爲衣雲悲胡爲二公毅魄若相結共御乾
坤清氣來支持一詩一畫尋常物亦竟兩兩壁合義娥
輝君不見虞山崇詩名維揚傳畫客筆墨流落汚人間
泥塗棄之無足惜何如忠烈之烈文貞之貞忠義潤色
文章林甕天劫火不能毀舊藏范氏甕天書畫
悉燬於火此卷獨存清風招
入琴樓琴琴樓琴莫彈舜水曲莫譜羊山吟闌殘幾點
蟾燭汁中有千秋不死心

冬霰篇

昆侖竭黃濁萬里恣霍揮十日昧昏旦夢夢失陽曦河
魚上闔市高堂生污泥幃燈作冰濕風響增夢疑詰朝
眇埵野浩蕩行人稀山雲結海霧盈盈皆下垂荒林見
頽屋縮鳥飢不啼十家九閉戶烟斷無一炊窮黎散墟
落鬼趣相因依蔽寒拾敗草延餓餐木皮天心詎不恤
一忍胡至斯殄厲力能挽民生猶可期安得掃沈瘴燭
龍懸浩暉斯民具仁性悔禍甯無機作歌向蒼昊使我
中腸摧

賣菜婦

復莊詩問

卷四

古 大梅山館集

賣菜婦街頭行上有白髮姑下有三歲嬰賣菜賣菜叫
遍前街後街無一應 昨日宜單衣今日宜棉衣棉衣
已典無錢不可贖嬌兒瑟縮抱娘哭 娘胸貼兒當兒
衣娘背風淒淒但願兒煖兒弗哭兒哭剜娘肉 莫道
贖衣無錢床頭有錢床頭有錢三十餘買得一升米煮
粥供堂上姑餘錢買麥餅爲兒餽 得過且過明日如
何明日天晴賣菜街頭行明日天雨妾苦不足語姑苦
兒苦

寒夜

衆壑歸膏靜萬木明枯彫大字潸雪色寒月淒然高幸

茲羣動閔暫息吾生勞塵熱一爲化氣象愁不驕蒼茫
掀危笛天關響與遙藏陽忽噓返宿鳥因之翔蠕蟄有
至理轉運在芴毫歲華逝如驚毋使嗟髣毛

鄭湛若天風吹夜泉硯爲馮丈

登府作

崑山玉無色元星耿天落古血凝至堅浮光外寒矚袖
手怯捫摩折矩自廉削度長四寸餘二寸七分博其左
銘五言波磔露秋嶠疑吞太華濤月雨濺蓮鄂鵬眼活
旁睨二字鐫湛若下有白文印乳薤墨雲絡想其抱太
貞巖巖手親鑿先生得奚自冰雪與礪錯忠魂炯未死
披潔隱相托賞鑒遇知己幽靈自歡樂念昔畸人生辦

香守譚霍跨馬犯黃幟蘭梅走藤笮銅柱風晝腥鬼門
瘴夕惡酋帥雲顰娘三髻綯妍媚奇才駭天破分符拜
兵幕雞虎肅羣排諸岑受鈴縛環花草露布疾毫兔剽
掠詎以餘烟青倩畫繡眉弱茲研與焜耀蟬尾起皴皴
更盡千九泥諧雅赤編作麴吳暨馬流補史徵闕畧踰
年還厓門橫海半鯨鯢憤棄中書冠七哀寫盤魄壯懷
老磨盡幅巾殉干鎖阿鴻洵良冶湛若翩翩北山鶴旋
以東郊難毅骨慘薰爍青鐵鏞不潤隕世等煙籀况時
海雪堂丹碧折楮構藏真帖蝕脈望南風琴斷絙索誰
於兵燹地萬難奪雲膜銕甕百破碎片石葆輪廓輾轉

三百年大劫不能錄漫歌無完膚

亮爲國士安得完膚湛若句也至壽

炳嵩洛萬柳園朶山石經巍秘閣豈同愁望鄉蠻墟鎮
獨脚先生善保藏毋使鬼神攫承之太元函護以萬物
棗時或陳墨琚覓賤盟手拓寸管挾千古羣書恣湔淪
正氣所結糾蟾淚泣難涸欲化雜沓聲天風鬱晴壑莫
寫述征詩騷情諷蘭茝

渡江

日落水昏岸氣闊岸樹遮邨邨屋黑樹縫炊烟橫東山
山頂天空照江白一舟兩槳江心行呶啞攪亂鳬鴨聲
遠潮微光海生月薄雲漸散河出星橋東獨樓斜對城

復莊詩問

卷四

六

大梅山館集

酒客倚簾杯未停誰知夢泛芙蓉底我擷涼花愁夜冥
隔花一燈起漁唱風簾如絲極搖颺風絲暗惹露絲霏
歸看秋痕滿襟上

苦鬱

苦鬱牢愁向酒杯怕看落日避登臺寒風徹夜催秋盡
落葉奔空誤雨來身世頻遭孤雁怨文章枉受衆蠅猜
長匏有柄原疣贅柏老空山亦廢材

訴春詞六章

一樹細桃底金魚未鎖門雪膚融月氣水盼縈花痕鎖
怯犀株小吹香麝語溫靜防鸚鵡覺立露過黃昏

嫩人雙玉玦素女九張機相望簾櫳密潛聽笑語稀晨
星闕誰夢秋月凍荷衣掃閣尋殘舄苔花上襍肥
繞郭佳山色春蘿媚若耶鯉魚成斷信梔子是愁花怕
聽夜蟬曲空停金犢車濛濛雲擘絮黯黯月籠沙

十二曲瓊鉤文梁燕子樓曉情延水弱春語狎烟柔曳
雪攙飛絮撻雲護泊鷗墜歡重覓地風葉已蛩秋

悔向羅敷陌來吟崔護詩畱心珍一面含意抵千辭月
斧脩瓊樹冰綃織蕩絲柳花瞞不得情與睡鶯知

宿踐山難轉重門海共深舊恩惟斷珥積淚在疏衾短
燭雲邀夢高天月照心早知成永訣還寄白頭吟

練時日

以下擬郊祀十
九歌存七章

司恢台揚穆風偉哉鬚鬚乘駟御龍繁三微選良晷靈
往來郁垂縈靈之前磨沈燎翠葆翩靈之後擁鑾旌眈
繆繆燦崑姿窮百娜靈之左隸巫陽蜷蒼蜺靈之右惟
靈降虛房祀苾如秩秩于于上儀薦諸於靈之赫黔雷
麟輶或睠而怡明蘭玉綬積精特告靈惟釐報太乙烟
燭無媚無驚以饗其醺

帝臨

被育萬國於惟上命承敕凡生罔不殖熙熙飲德莫或
敢反側曰赫赫昭昭皓泚乎檐輶出入嚙旭曾不可以

媚要天子泰平百族獻嬰六合大清斟韶而酌醴

惟泰元

乾綱儀首握正定機懿律嘉量允納和熙徂齡聿迴頽
晷惟復乘五際之剝而舒其蹙發申旦之光而噢以祥
甘露瀼瀼黃龍載鵠喬雲九章釭乎幕張軒乎綺颺錫
極汝皇皇運協昌青陸軌驤拜稽思頌屬屬洞洞生罔
不綜

日出入

輝東沉兮俄彫薄乎西崑安保厥若華之容斂不晻晻
常畱存華胥帝曰軒轅顧眎億萬載下龐鴻飫恩塗藻

復莊詩問

卷四

六 大梅山館集

扁扁歸渾渾曷復其頓轡大荒神州之岸吁嗟漫漫雞
鳴知旦鳳鈞調之天下糾縵

天馬

月齧萬里天馬徠止固爾齒歷華轡相瑋靈淵暎房天
馬徠翔膺門赭黃下睥紅陽凌遽之氣迅乎其厲權奇
之容狔乎其風稟健德中元霄狎龍龍罔奴皇徠御垂
梢行睨影翥秦青太息方堙歌天衢如砥天臺兀峨

天門

臬臬天門百常凌表神徊隱來萬甸烟晶晶而玉若者
葩華旁唐駿犖栖元之家驤景以璫以雕采織文虹而

爲橈牙遞靈居
瀾羅羅月不腌蔚
以赧鮮颺洞幌其眇
睇來耶抑將斗酌元氣
后皇翊治四七相隸
占疇得霽三微著兮
旬始迺臨清都回極
兆民所欽大圓妙有
昭森森

赤蛟

窈娒娒而引曼
浹密期鮮疑患靈駕
輿魂追驅冠麗姝
夙所須轆無結旒
無委專我精金石毀
惟赤蛟延僊僊
茹秘春屏蘭薰嘉醕
獻靈旣醉集古嫔咸
遜媚來不浹
去何倪攬大化類兒
嬉眷我祐篤我耆凡
在宥誰不怡

朱鷺

以下擬漢鏡歌十
八曲存十一章

復莊詩問

卷四

九 大梅山館集

鷺咽咽鼓淵淵中心搖搖罔止而懸我不能舞鷺不能
語鷺能語風淒淒鷺無衣月明孤飛噫吁噉

思悲翁

首蒙已難面識我之所思兮胡不我乎是覲悲哉翁也
烏烏伊伊日東月西網羅不擇睢鳩爾毋悲啼爾悲啼
則可無惜爾之瘳

上之回

石闕封巒十月大寒大寒不殺草銅駝漆膚黃變皁咄
哉獫狁賊麤鳳凰擁翼梟鳥前自甘稱爲臣聖人一出
萬剛羣屈有不受命者昭昭之日

戰城南

以萬人命易尺土天子豪黔黎苦風飄云云魂不敢圖
苟存骨柱山血滲地風雷暗鳴日月無氣奈何哉父母
妻子盼我招我冠裳在右刀酖在左悔不得餓死窮壑
中彼何人斯憤憤食粟千百鐘

巫山高

巫山高高岑岑之下之水又鳥知其深旣不得升
又不得渡駕言出遊逢彼之怒俯見魚出峽仰見飛鴻
過山我獨何爲不得家室千里萬里漫漫

上陵

有馬有馬昂藏于野樂之般般誰與爲抗者佳人進萬
壽觴與天地長生日月未央築瓊臺開玉閭梁文虹森
成行鸞鶴下上交迴鵲裔裔而奔清光垂帝師旦臣夷
姬周之碩勳相我后辟

芳樹

維荃云蓀莫或佩斯爲君子所期孰伎而疑靜言庸違
不衷其衣赭馬日瘦黔驢日肥入不我恤出不我諒路
有四歧趾欲誰向朔風條蕭冰山天高哭必拚涕積思
用勞

有所思

有所思思我美人思不見我美人傷如之何目搖搖爲
旌宛轉之腸車輪燕辭我梁文杏不得芳金蟬飾玉釵
雖光澤羌不及棄菅與蒯被露道旁公子出門花粧粧
花粧粧春相隨白鵲翩容儀東風驅汝日夕飛

雉子班

大幕包四海大寐遊混茫天地具生蠕蠕子何爲乎稱
鳳皇置酒金屋明月滿觴妙妓翠鳥蘭塵不揚塵不揚
露來下攬旌門迎宸駕有鳥曰雉何班班虞人括利啄
粟難鳳凰高冠朱寶琅玕願影自笑顧我而長歎

上邪

上邪天高高曷爲乎人戴之人怒我懟天棄之不我愛
夸父逐日極乎西濛念子不歸晚食告窮吁嗟乎北林
林有晨風

臨高臺

羊無夸離地一千仞終不見天門峨峨前者增後者磐
左右者羅始皇千世萬世金木水火無沴折蘭焚椒桂
荆欂欂何縱爾入荒今遜此蚊蚋

雞鳴高樹巔

以下擬漢相和歌辭存入章余謂
郊祀近頌鑠歌近雅相和近風

雞鳴高樹巔馬鳴深澗底赫赫諸王帝孫千玉瑱藻翹
棄蒿里黑髮黃耳烟紈娒娒文履玼玼去若流水朝騎

駟馬駟馬一何驕
暮歸重樓珠明羽翠金
釭燒佳人嬌
嬈姊妹擁貂清防醉
倚圓月搖蜚其織
袿垂兩髻與子
爲千春萬夕之樂
奉子以上元容成之樂
知其誰爲金
張衛霍夢聞銀鐙醒
不見銀河照華夜
飛鵲凍雪殺野
田安得拾藜藿

烏生八九子

伊烏尾畢逋飛幡幡耶
吾吾鳩不汝呼鷹來攫
汝雛天
偏側無路地上草木皆
彫枯山曷不菰蒲水曷
不薪樗
日月曷不東南驅吁乎
吾吾烏有八九子世莫
知寶烏
子肥烏母老邯鄲才人
嫁厮養君馬自黃臣馬
阜吁乎

吾吾孤兒不諒兄嫂猛虎不食纂纂之棗彈我箜篌咄
嗒其歌吁乎吾吾歌奈何奈何萬事顛倒不能轉移南
山之石秋胡行他鄉羅敷走桑陌吁乎吾吾

陌上桑

以上三章
相和曲

正月不荷華鴛鴦栖無家鴛鴦陌路老荷華六月好采
荷莫采雙頭支種桑不得一寸絲夫婿前頭斂襟哭莞
窮槃鏹在他屋妾年二九月過望夫婿腰金羽林韞天
聞妾言水知妾心天高不高水深不深夫婿乃丈夫聲
名赫赫馳皇都人謂夫婿之賢天下無吁嗟乎夫婿之
賢天下無妾不容華朝愉樽竿而夕娛胡爲乎

相逢狹路間

此章清調曲

馳驅狹路間遠望何光輝問此光輝誰西郭屠沽兒莫
言屠沽兒家有萬黃金珠玉棄如灰納資爲郎官長戟
交車綏嬖寵托天子貴戚兄弟依都尉率護軍趨奉無
高低出入清籞中揚揚並不疑愛妾歌歡儂衆婢調絃
絲眩我雲襪襪媚我芳薜薜白楊自爲風不驚銅雀臺

隴西行

綵衣行下堂一步再回顧願見空階花向旭復含露露
光何霏霏旭光何曄曄窸窸鞭叩門下馬人爲誰下馬
還入門入門復出戶手招僕從來金箱端紈組紈組錯

祝顰鈿黛相明玕聘爾作好婦與爾百歲歡婦羞不敢
受婦愛不敢辭婦亦展轉思一笑趨入堂再出攜酒卮
斟酒奉客前勸之恐客醉不勸愁客飢客左不敢右客
坐不敢離客去不得畱身去心不移明朝迎汝來今日
先汝期

西門行

庖鹿殺羊呼行酒漿酒漿有盡行樂未央 西門迢迢
駿馬馳駿馬不用鞭能識主人心所之 作官能役人
官亦人役官亦日食不離粟日衣不離帛 笙歌徹牆
道路停足篋有黃金子孫側目 聲名隆隆天下所崇

願日常照花願天不作西北風
西風淅淅北風栗栗
重闌膏燭春煦醲溢言撫我琴瑟

東門行

以上三章
瑟調曲

不賤不居家不貧不出門出門躊躇四顧山犖确江河
渾還願我家室我家室何人悲啼當門嗷嗷小兒女
牀上有病妻快心安復待富貴蒼蒼者天不能免下
民之懟居必重樓食必肥牛衣必華褐不如骨肉完
好死生與汝偕老出東門東門多棘榛棘榛叢叢虎
豹栖之君歸來君歸來

淮南王篇

此章舞
曲歌辭

得天地氣始爲生人得氣之偏仙得氣之全仙不能協
君民以行德何異乎棄空山之木石淮南王爾爲天潢
栖白玉庭黃金堂置酒一顧眄四幕生流光不則出門
馳驟之河山左右提挈飛雁相低昂奈何千聖人怒咄
爾淮南王不識理者曷貴其逃乎數